

^\_ गणेश हमेश मनावा जी \_^\_

गौरी के सुवन सुजान, प्रथम थारो यश गांवा जी ।

म्हारा काटो कष्ट कलेश, गणेश हमेश मनावा जी ॥ टेर ॥

एक दन्त सर चन्द्रमा जी, विघ्न हरण गणराज ।

गले जनेऊ शेष है जी, सुर सेना सिरताज ॥

थारे चरणा शीश नंवावा जी, हमेश मनावा जी ॥ १ ॥

दुन्दाला दुःख भंजना जी, सुन्द्याला सुख मूल ।

दोष दूर सिन्दूर करे, विघ्न विडारे शूल ।

ध्यान चित्त माय लगावा जी, हमेश मनावा जी ॥ २ ॥

मोदक मुद मंगल करे जी, पाश विनाशे पाप ।

अभय दान सबनै देवो जी, चढ़ मूषक पर आप ।

सुमीर थाने सुख पावा जी, हमेश मनावा जी ॥ ३ ॥

जाचक उब्या बारने जी, अरज करे दातार ।

दाता टूट्यो सावठा जी, रिद्ध सिद्ध भरो भण्डार ।

शंभू थारी कीर्ति गांवा जी, हमेश मनावा जी ॥ ४ ॥

बोल गणेश जी महाराज की जय ...

बोल नाथ जी महाराज की जय ...